

Hylli i Dritës

Ubi Spiritus Domini, ibi libertas.

(II. ad Cor. III. 17).

1. Bukë	Fq. 521
2. Dishiplinë	„ 533
3. Pellasgë e Hellenë	„ 539
4. Fuqija e Mujit — (<i>Rapsodi</i>)	„ 547
5. Në shka fajiset Skanderbegu	„ 550
6. Per Fjalorin Shqip	„ 557
7. Subvencionet e Klerit në Jugosllavi	„ 560
8. Lajme rrokull Shqypnis	„ 561
9. Lajme rrokull botës	„ 564
10. Bibljografi	„ 566
11. Quo Vadis...? — Pj. II. — 24	„ 185



*Drejtimit man tagrin mî çdo artikull, qi botohet në ket të
Perkohshme, tue ndalue njëherit edhe çdo rishtypje a perktim.*

BUKË!

28 Nanduer.

Zane të forta, kishim me dashtë me thanë, shperthejn nen qiellin e kthiellt t' onin, kushte zemrash së pastra, qi be-tohen në lterin e Atdheut per të miren e nji vendit, jeta e të cilit permbliidhet në fjalën vuejtje, lot të permallshe m kuj-timi per ata, qi na falen lirín.

Por . . . enthuzjazmit të natyrshem të shqiptarit të bre-ngosun, të familjarizuem me vuejtje, i a zbutë fuqín ûja.

Balkonet e Bashkíve t' ona janë plot me njerzë. Fja-limet me fjalë të zbrazta, të detyrshme m'u permendë, jehojn prej zâneve, qi nuk njofin ûn, duert e ligshhta të burrave e të djelmve i shtojn me shuplakë të shkurta madhnín ditës.

Vetem nji herë në ditën e Flamurit t' onen, e *vetmja festë kombtare*, qi na shtjen nder mend disa shekuj, u ndigjue, në zjarmin e nji fjalimit qi ndibej thellë: Populli lypë punë. Puna shungulloi nder ato ditë të vjeshtës së dytë si brima e zaneve, qi lypin jeten e vendit, perkdheli me flladin e shpre-sës trupat e lodhun, zemrat e motnueme në mjerim; kje sire-na e parë e sàkundjes së gjumit të ndjellun me nji ambelsí dinake prej plogtís.

Kanë kalue bukur do kohë, qi kqyrë me púnët e krye-me, apin pamjen e nji vrulli gjurmësh së zbeta.

Dikur kerkohej puna per permirsimin e gjendjes, sot lypet buka per permbajtjen e jetës!

Na i kanë marrë mendt çashtjet e parandsishme per minutat e jetës qi po kalojm, shpupurishemi prej karri-gash së rahatshme me salmue kte ose ate mendim, e në të tanë dishirin qi duket se tregojm me e zbulue, kerkue e me bâ per vedi të miren, ende nuk na ka dalë m' u kujtue per

